

靈寶洞玄照又曰召靈入鏡

天地降炁日月合明天上地下某乙某處現形急急如律令勃

又取天地炁吹之如常法

速度亡魂訣

師曰凡臨壇按治鬼邪務在存亡俱獲利濟先為破獄

破獄呪

无上玄元太上道君教臣行符照破幽獄罪現出離急急如律令勃

右呪出九清梵唱經中面天門密呪九遍吹炁亡魂即得魂神離苦次用水火鍊度

水鍊呪

已枯復榮已滅復生得生天上更稟太靈九天之劫返復胎嬰穢累蕩滅白日返生

右法以水一器北向叩齒九通思玉童三人玉女七人唾津七口呪七遍洒其亡魂

火鍊呪

日光月華徘徊洞陽流火入器煉化陰芒尸穢消滅萬炁混康超離五苦飛升天堂

右法以火一器南向叩齒三通思存如前呵炁三口吹九遍取鄧山真形化為友

焚鄧都真形

元始符命制魔奉行保舉亡魂度品南宮鄧都消燼三官解刑赦縛閉業受化更生隨品

受錄上登福庭

右呪訖以舌柱上脰存身為元始天尊項

上默念隱語一遍存金光滿口雙手掐玉

清訣以灰往東北方放訣其魂立得上生

朱宮隨品受錄返生福庭

上清靈寶大法卷之二

上清靈寶大法卷之三

辭三

洞微高士開光救苦真人寶金真授

上清三洞弟子靈寶領教副師王嬰真集

經緯修用門

洞視式

入局謂定息入重堂坐謂已坐案机面前懸鏡於壇上鏡面水盆陽神在鏡陰神在水靈寶真人仰其神於此速現形急急如律令

局榜式

神虎洞視局仰本局應千吏兵功曹使者玉女伺當朝元罷常切於此祗候分明現形衛

集聽候本局使喚

右以牌一面兩面寫之今日入局今日不入局

入局

洞視默表式

具法位臣姓某稽首再拜

上言伏念臣生居下土夙植良緣叨佩靈文獲親道域濫司三洞法職誓以濟死度生洗滌塵根精思至道終始修鍊遵守戒條况以

穢質凡軀未達玄元至理耳目閉塞身心昏蒙何由徹視鬼神洞達幽顯昨蒙度師其傳授靈寶大法混元玉札洞視隱文臣今者恭過某日之辰依法吞服內諱徹視真靈伏望

祖師上帝三寶真靈赦原瀆犯之愆遂遂陶成之妙特降正真生炁大道慧光三寶法澤六通真炁流入巨身田之中內將心鏡塵障外除耳目穢氣開通臟腑之光明銷鍊百關之陰滯摧伏妖魔罪厄斷除結節胎根令臣吞服內諱神文立照萬方坐觀三界洞明幽顯徹視鬼神度死濟人修真學道所欲所向無願不從期贊真風上禪玄化不敢輕泄滿慢叛道背師如負盟誓甘依玄憲且謹伏地密奏心章一通上詣

三天門下

三寶上帝至尊几前臣無任祈

恩激切屏營之至

內鑄六丁

師曰於每月上六日午時以黃素丹篆六

丁真諱六字面當句之方者為首以次從之各吸炁布之每二字作一符共為三符至上七日五更丑初時睡覺披衣面丁立方取一符九之次呪其名以淨水吞下候其時聞初有人作聲時急望本方吸炁六

口咽之至中七日下午七日三旬並同此法一月受持足後自此凡有一切事面本旬方視名吸炁咽之瞑目良久六丁告於心神知意中所起所出言語皆是未來之事無不應者或有邪鬼纏惑之者亦同上法其六神即告以鬼神作禍之由至於服色人數一一皆合其驗

外直六甲

師曰於每月六甲日卯時以白素朱書六甲名面本旬方以酉流水吞下或不見三先以井水吞訖雙手握固端坐鳴天鼓三十六通叩齒二十四下兩手相叉鶴啄六度搖轉三關九次手分項水心存丹田有日光赫赫一身洞然如火內外通赤祝名三十六度吸炁吹身常存六神侍之六甲

定日未然之事夢中告詣六甲常衛其形久久可見投召任意凡小小妖魔作過朱書其符同金錢火化其邪立被六將遣出海中

通章合契

師曰於每年除日預於前一日沐浴更衣至來日平旦於密室中端坐面天門持誦三天隱諱靈寶至十二時足滿三十萬遍來日元正日不語一日自此之後應章詞表奏念法一遍取東炁吹文字上立致通達自有玄報又曰常於晦日要誦十萬遍奏章立達三天矣

急厄救護

師曰自八節日清齋於戌末亥初入靖端坐持念三天內諱防中表德益累及十萬遍每遇虎狼毒物閉炁七息念三十二遍萬毒潛伏不為害矣又曰於月朔日要誦一萬遍三月應一切災一切急厄默念三十二遍其災厄自然解

五岳持身

師曰於立春後九日立夏後三日立秋後七日立冬後五日每土旺一日後面遂方於子午卯酉寅申巳亥時叩齒如方數存東岳領四岳君官吏面前拍五岳訣念五岳諱吸五方炁咽之一年功足遇事或恐懼急危謂資入山度水也先叩齒五通祝名吸五方炁咽次又吹身又布方即脫厄所向元吉如願

洞明萬慧

師曰於五月五日朱書北斗諱不計其數以朱鴈丸之置青竹筒中重紙封固安抱雞鷄栖中同成取之服一日誦萬言洞明智慧也或於上七日以黃素朱書用鴈衮丸之七粒一日一服清心淨水吞下七七日外百事預知智慧通神日誦萬言開口不忘又曰於上七日夜用乳香一粒朱砂一粒如豆大以西流水或井水一盞浸香朱於中并朱書斗名入水中面東念青童奉命呪取香砂細嚼以水送下次面北念斗名并呪曰

北斗太一靈童一吸百應

念七過取斗符丸之以水送下次又念呪曰

青童靈明神光玄明

念九遍東炁吹餘水中洗目來日是八日不用香砂止可用斗名并念前三呪呪水洗目凡人投詞只用前三呪取東炁咽了閉門少時心中自覺已意所起信口所言並皆合其來意秘之

行持逐日吞符

師曰以黃紙朱書一寶字計二十一畫念欽敬全收墨漆黑魁至魁貪至破計二十一字呪一畫一呪書之逐日吞服想靈字在心寶字在頭師曰應毒物所傷并癰腫丹瘤五臟大小之疾書四直陰陽諱於病所或內吞外貼不過三字即安師曰凡一切疾病書南斗諱服之黃上朱書

五岳安鎮符錄

師曰凡書符先念魁罡呪拍辰支取魁罡炁吹硯中次念乾元呪入筆又念太一呪吹硯上良久左右研墨四十九匝東南炁吹硯中次念五岳持身呪拍中指中吹硯上以朱書錄默呪一次取西北炁放訣錄中如法封印了今病人將錄焚香禱祝焚烈焰中即有報應其有輔正錄行持一同上清妙行真人歲破錄

天地諱 日月諱 五星諱 四直諱 陽日六丁陰日六甲諱

道寶法寶及真武聖勅攝 羅天大將奉請 某神依勅攝

太歲 年 月 日 時 告下 法位 姓 某 奉行

五岳安鎮符

師曰應一切兇邪精性壇席邪廟復連惡地水魑蛟螭朱書於大石上沈之或安埋之 五岳安五方 天塗西北 地塗西南 人塗東南 功都東北書時拍五岳三塗訣取五岳三塗炁吹之



九宮洞視鬼神

師曰兆未有定力見一切無道鬼神可依
 九宮法男起離宮一歲順行初不用二宮
 入於坎宮起一歲逆行不用艮並一歲一
 陽宮至何宮分於年中起日月月中起日日
 中起時又於時上起得病作過鬼神發作
 歲支月支日支及方即知鬼神情狀



乾象主頭沉 舉體重難任 兩足俱冷痛
 祟是一陽人 惡病纏身死 西北是沉淪
 齋香有願誓 皂衣乃邪魂
 坎宮身悶亂 懶語腹腸鳴 水壘或肢滿
 溺死語難伸 正北因遊走 怪夢足悲吟

一鬼陰陽祟	細問見其因	民方心齋滿	喉中哽塞傷	狂言并怪行
悲笑罔難量	群鬼須八數	廟社行不臧	更有石金怪	東北審形光
震位瘟黃病	寒熱傳四肢	食厭并呪罵	犯罪天使之	刑傷疫死鬼
紅黃女鬼現	三日有傾危	青碧死魂隨	異宮顛狂語	盲謎不能明
家先為陰語	外厭是女人	魂魄拘鬼手	潔齋求大道	方始保康寧
書夜使呻吟	離禍正南地	癰癤火燒瘡	血鬼產傷亡	緋紫橫死客
占親魂是陽	正向火位討	邪鬼見行藏	坤鄉脾胃疾	痢下體羸羸
久須難治療	西南有伏尸	動土傷歲煞	勾引家先母	淹延死魂隨
葬埋生不利	兇意勞尸疰	喘嗽足連遭	刑傷有復連	橫天求功德
古器在宅邊	鬼邪三人伴	同共致冤愆	師曰此法齋戒吞服冠日成真周而復始	

洞視之訣定目如暗窻之中穿度鼠穴百
 步之外視霧之中物瞋目久而視之一意
 稍失目神引視則靈光不現初如薄霧次
 如亂色輝照四七之外如影五七日漸明
 七七日外有形容服象九十日可聽語音
 百目外可以役使仙靈尤務清靜如不及
 行此當行內觀中藏法
 夫靈寶之道有三上則有帝一御風之道
 中則有中理五炁混合之法付於五帝下
 則有十轉回靈之文付於諸真三品之外
 餘緒之者以濟生度死為功以招真致靈
 之法夫學上道希慕神仙者莫不載於斯
 文

內視中藏
 師曰未能百日入室於六甲日平明面南
 端坐以白素黑書玉札內諱置淨瓶中仍
 取甸中六甸方土各六合亦覆於瓶內玉
 札之上置瓶於甲方封閉如法次端坐雙
 手起五岳三塗訣一遍念呪一吹吸六方
 悉咽之次又視一遍取甲方悉咽之午時

1000000

潑澤乃驗十日定至次甲日取前五札火化用青玄水調服之以前旬之土棄長流水中再書玉札復如前取土置瓶中然後起訣誦呪滿六十甲日內視見五臟瞑目可以通神洞靈如犯色淫恣則前功並喪促壽一百二十

存神參斗

師曰參斗之法擇不經生死穢地取青竹作棚架之貌其上置曲尺象布斗罡形於曲尺之要處懸明鏡八面使光照下隨斗罡建以時指方地下以白堊土畫斗形於星上明置其燈在地隨鏡光相照鏡以赤縉七尺畫七星內名抹於額下服淨衣仗劍依圖式排列師具擇天色清明雨霽之後為妙

凡參斗自斗罡交乾而步每一星點呪四十九次觀三光相合吸炁咽之以水送下擲盞吸水喫鬼門喝攝以劍斫盞如四十九次呪畢方步第二星至七星每星皆如此畢歸斗口存伏良久定神七拜視斗口

中有二星得見一星即得割移死籍也是夜天真三界萬神並臨於席上卧斗待報

參斗符

斗及龍行畢風塵
思思思思思思思

右此符以緋縉七尺丹書參斗時抹於額腦後繫符向外

參斗呪

俗居小人好道求靈常見尊儀願賜長生高上玉皇紫微帝君三台生我來三台養我來三台護我來魁魁魁魁魁魁急急如律令又呪

中斗大魁總監東靈中有高聖尊帝二星臣今參斗願見真形除落死籍斷滅惡根飛度五戶名注玉清衰病墓絕不干二身北都勾罪錄南曹書長生百魔來受事功畢朝至尊大帝付之功玉帝令施行急急如上三天吉都律令勒

存神參斗

師曰如女子及羸血弱懦不能久立即飛神二具存魂參斗或不及運身步斗當於月三七日亥未入靖面北設席端以香置頂中存神意隨香煙徑朝斗中思七星煥明此斗一時久即叩齒七通依星誦呪一如參斗遍數畢寢於靖中席上再存斗中尊帝二星明輝照朗即是夕有異報如未見感格次候更遇一吉日依訣朝斗以待報應方可行持餘經七次不明其報更不許參斗乃罪業重大不得割移死籍此宜端潔精確以伺感通方為効信此法乃召靈之經緯修誦之訣法宜在閉口奉行參斗畢七日勿返凡室使人口恐懼以分化凡之炁也參斗訖方擇日朝元

朝元

師曰朝元之法定其魂去思慮入於玄妙微化之境方可朝元先用明鏡七寸或四寸九分以新法銅鍊九火陶冶鑄之於每日六陽之時面東整肅衣冠端坐靖中以

鏡照之存思已形如此七日形存照已明
 爽無別夜半即思已形在泥九日中存居
 心中晴時存居下丹田七晝夜上下分明
 即至其夜關告天門及奏三天玉帝東西
 二炁王母青君方始朝元其法於夜半子
 時入靖祝運神會道功曹十天承受玉女
 飛天傳言上吏二官直使正一功曹左右
 官使者陰陽神決吏科車赤符吏置風騎
 置吏驛馬上章吏飛龍騎吏收神食神吏
 收炁食炁吏收邪食邪吏三十二天傳奏
 吏甲子官君玉文功曹辯魔王女捧香玉
 女天驕甲卒天力士治中仙曹執職玉
 女金童驛吏龍騎鳳車紫羽芝蓋天丁協
 佐羅列在前一一分明即手握昇度罡風
 符身佩玉清朝元符頂戴昇天合同大奏
 次端坐以舌抵上腭存三元正宮中有三
 炁三炁中有真人一如已形先閉炁十二
 息存下元白炁中真人昇入心中與黃炁
 中真人混合為一又閉炁九息存中黃白
 炁中真人并炁上昇泥丸與青炁中真人

混合為一真人青衣皂襪帔有五岳四瀆
 次左眼出紅炁右眼出白炁二炁交合作
 一團真炁化為車見前有丹瓊羽輦如大
 車之狀又閉炁三九息存真人自頂門出
 登車忘形如夢寐之間乘紫炁金光漸漸
 而上神真引從至罡風界見罡風吏乘天
 獸執器仗兆以罡風符畫車前良久罡風
 車神引車度罡風如雲炁翁鬱旋回九次
 而出罡風至星界有日月黃道光明明如長
 虹之狀兩邊多有琪花寶樹如松杉青葉
 黃赤之花碧枝絳實風動自然成金玉之
 音遠望四方金樓玉闕在寶雲之中皆星
 宮仙府也時有乘軒乘車乘風乘鶴駕龍
 麟乘雲皆仙真之子也須掩面避道半時
 覺車登盡萬里長虹之路見紫雲隱隱中
 有天門侍衛天人止是門內威神守衛甚
 威天門相對乃欲界魔王之境乃太清欲
 界天也自此後分大券付守衛之神入進
 天門適意而朝


昇度罡風符



三天朝元符 增補未書黃 卷九寸佩之



昇天合同大券



分神治事

師曰朝元已畢即知所領仙職曹局預於
 前三日關告所治之神尅取其日分神治
 事參謁之禮稍同世俗版刺名位一一預
 告至期一如朝元之禮點檢神真儀衛以
 印置面前并奏簡亦同良久見所治之所

神靈迎引方始如前法混合出神自然乘車至治所判領職務凡每日朝元畢須往治事如有凡事不使者宜申三天及治局方許不赴若有責即三天呵阻治曹神歸或未能治領玄局即仙曹建邸焚修立靖分神治事

仙曹建邸

師曰受行大法宜崇靖所立名靖局前建仙曹後崇高聖名曰靖局每日朝元罷會仙曹入靖治事凡有所治即於靖內施行凡係靈寶洞玄仙官皆屬西元王母內禁靈虛宮兆既司仙階即申天機都省於此中建邸仍立司儀司麾司衛左右府給賜仙衣並服三十二條青帔皂襪朱履冠三履交泰冠帔用五色彩畫五岳真形但王母宮中皆服此衣也非朝元治事不許輒用功滿迎神上登仙邸下謁童初受書而成三界仙真之官矣

超度玄祖

師曰前之五經既備方許超度祖玄寄治

南昌具有靈寶黃籙齋法更不重叙若能於上元長齋五鵬專行拔度誦經告符其功最重不必伺大齋功德也若一身大惡故作重愆則祖考墮落復入鬼趣有功更昇入青陽仙境此宜審思之

選應玄舉

師曰玄舉之道有二十四品大道正法乃上帝玉司皆南司火府天機內省主之內有主者乃元明文舉天帝平育舉清左相靈虛玉嬰大君中央黃老教主主之

上帝司舉語詔曰

元景丹天三界之教我司主之孰能志高萬類堪授中主者惟中和獨曹億司舉靈虛大君化元廣教授二十四庭仙品若非立成功德無以應真

師曰既有凡質神任真階無功乏行不能名錄丹臺升降不定賞罰不時夫舉一選便得位封真人

二十四階玉司

太清玉司上院正法中央黃老君主之天童

經為司舉治經

高上玉清太極院正司法高上老君主之

消災經為司舉

長生保命元生府玉司正法長生保命天尊

主之護命經為司舉

五帝育物天皇玉司正法天皇上帝主之秘

授經為司舉

青羅消災玉司正法青羅真人主之十一曜

消災經為司舉

上清護命玉司正法後聖玄元教主主之通

神護身經為司舉

靈寶延壽益算玉司正法延壽益算天尊主

之益算經為司舉

青玄左府玉司正法太一救苦天尊主之救

苦經為司舉

三元寶簡玉司正法太一救苦天尊主之九

幽拔罪經為司舉

太一神局玉司正法中皇帝君主之太元真

經為司舉

太清伏魔天寶壇玉司正法五靈玄老君主

之伏魔經為司舉

大平護國壇玉司正法太平護國天尊主之

五老真文經為司舉

上清洞淵內院玉司正法洞淵天尊主之洞

淵龍帝經為司舉

上清天樞院玉司正法南斗六司真君主之

南斗經為司舉

上清天機內院玉司正法北極紫微大帝主

之北魁玄樞經為司舉治經律徵法金古羽章是也

太清八威治魔玉司正法中央黃老君主之

老君伏魔經為司舉治經乃化明經秘訣是元始尹先生集此也

靈寶保運玉司正法佑聖真武大神主之玄

武經為司舉

上清九天生神大混玉司正法飛天神王主

之九天生神章經為司舉

靈寶度厄天仙內院玉司正法靈寶天尊主

之度厄經為司舉

九老仙都府玉司正法九老仙都君主之九

真真經為司舉

元始制魔玉司正法元始天尊主之元始制

魔經為司舉

靈寶昇玄玉司正法元始天尊主之昇玄消

災經為司舉

靈寶天仙玉司正法上清道君主之三皇金

紫元神經為司舉

太清枕中延壽玉司正法中央黃老君主之

枕中經為司舉

師曰已上二十四階玉司有經法俱降於

世者有經法俱未降於世者有以法降而

經未降者有經已降而法不降於世者但

洞觀參斗朝元分神治事仙曹建邸超度

玄祖之後須當選應玄舉奏詣三天乞降

真授經法兆已攝領玉司上天委任治職

實有大功冠絕方得位登真人之品

修誦八緯

師曰修誦之科有八緯密旨泄之一緯餘

俱不神倘因輕慢永無仙冀豈惟一身立

致蟲癩玄祖速送火官兆宜內緘於心斧

鑽湯火所臨寧甘赴蹈瘡默勿言雖適其

禍身太一五老百神立化景雲迎神赴上

清也若無信吾言兆試泄之看上玄之影
響邈邈災害于泄緯者滅族百世受風刀
立可得也

第一寶珠玄化緯

師曰寶珠玄化緯者太一含華玉露凝珠

是也兆存之誦之不待萬徧而登真矣中心

元始天尊靈珠中
自己形如華含露



第二獅子威神緯

師曰獅子威神緯曰司命化生降而復升

是也兆存之誦之萬遍馳雲駕龍白日上

升太空頂中元始天尊心中獅子已乘
獅子心中立下五色丹田



第三上宮妙乘緯

師曰上宮妙乘緯者帝宮分身三元功成

是也兆存之誦之萬遍足備舉身升仙
 中頂
 九宮上四宮下五宮上四宮中第
 二宮內有己形 四千遍功滿



第四中禁證真緯

師曰中禁證真緯者丹臺內坐中禁成真
 六十積功德同九真者是也
心中丹房內有己形滿三千遍




第五下元初學緯

師曰下元初學緯者丹谷潛志神炁俱存
 三千之行名籍玉真者是也
下丹谷中內有己形滿三千遍




第六立應神通緯

師曰立應神通緯者三炁生三上合三天
 造兆一身分形十天形同大帥儀範自然
 坐御獅子在於空玄日光寶珠五大宗元
 十過周四應通玄變是也
三炁中有十方子居日中去地五丈也 天尊元始生獅



第七玉音萬靈緯

內服外誦二十二音心存玉尊泥九帝君
 神誦玉章俯仰元君萬遍已畢無所不功
 四方三十二天泥九宮元始天尊心中自
 己之形朝仰也



第八三界招靈緯

師曰三界招靈緯者三界三元百千萬遍
 三界可度仙合雲翥是也

三界靈寶
 上元 中元 下元
 已形五千遍 已形百遍
 丹谷 丹田 丹田 丹田



師曰八緯真科得一緯而成仙必待如掌
 運指泄一緯而望飛不及返沈非道兆宜
 詳悟通究勿妄議泄勤而行之三天至真
 待子登仙也
 上清靈寶大法卷之三